



Broj : 10/E-11- 494/25
Sarajevo: 28-01-2025 godine

Na osnovu člana 10a. tačka d) alineja 6), člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za finansije od 22.01.2025. godine, Općinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se usluge plaćanja troškova vještačenja u sudskom postupku zadržavanja duševno bolesnih osoba.

Član 2.

Postupak usluga iz člana (1) ovog člana je u skladu sa članom 10a.tačka d) alineja 6) Zakona o javnim nabavkama i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 580,80 KM.
Predmetna nabavka je planirana u Budžetu Općine Centar Sarajevo u skladu sa Odlukom o privremenom finansiranju za period januar-mart 2025. godine, na budžetskom kontu: 613991-18. JRJN: 79900000-3 Razne poslovne usluge i usluge vezane za poslovanje.

Član 4.

Kabinet općinskog načelnika – Odsjek za javne nabavke provest će proceduru nabavke, shodno odredbama Zakona o javnim nabavkama ("Službeni glasnik BiH", br. 39/14, 59/22 i 50/24), koje se odnose na izuzeće od primjene Zakona, dok je za praćenje i realizaciju iste zadužena Služba za finansije, u skladu sa zakonom i općim aktima ovog Organa uprave.

Član 5.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za izvršene usluge.

Član 6.

Ova Odluka stupa na snagu danom donošenja i ista će biti objavljena na web stranici Općine Centar Sarajevo.

O b r a z l o ž e n j e

Na osnovu zahtjeva Službe za finansije od 22.01.2025. godine za pokretanje procedure javne nabavke usluga plaćanja troškova vještačenja u sudskom postupku zadržavanja duševno bolesnih osoba, a koje se mogu obezbijediti od Općinskog suda u Sarajevu, u skladu sa propisima koji regulišu predmetnu oblast, Kabinet općinskog načelnika – Odsjek za javne nabavke pokreće predmetnu nabavku.

Nakon što je Kabinet općinskog načelnika – Odsjek za javne nabavke izvršio provjeru svih elemenata za pokretanje procedure navedenih usluga, utvrđeno je da se navedene usluge izuzimaju od primjene odredbi Zakona o javnim nabavkama u skladu sa članom 10a. tačka d) alineja 6) Zakona o javnim nabavkama.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedene procedure javne nabave, te će nadležna služba obezbijediti dokaze za izvršenje predmetnih usluga. Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. tačka d) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

d) pravne usluge;

1) usluge pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja;

2) usluge pravnog zastupanja stranaka od strane advokata u postupku pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama;

3) usluge pravnog savjetovanja koje advokat pruža tokom pripreme bilo kojeg od postupaka iz tačke a) i b) ovoga stava ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka;

4) usluge ovjeravanja i potvrđivanja dokumenata koje pružaju notari;

5) pravne usluge koje pružaju skrbnici ili zakonski zastupnici maloljetnika ili druge pravne usluge čije je pružatelje imenovao nadležni sud u Bosni i Hercegovini ili su određeni zakonom za izvođenje određenih zadataka pod nadzorom tih sudova;

6) druge pravne usluge koje su u Bosni i Hercegovini povezane, čak i povremeno, s izvršavanjem službenih ovlaštenja.“

Predmetne usluge se mogu obezbijediti isključivo od Općinskog suda u Sarajevu, na osnovu donesenog rješenja u sudskom postupku za određivanje troškova vještačenja u vezi zadržavanja duševno bolesnih osoba.

U skladu sa članom 18. stav (1) i (2) a u vezi sa članom 10a. tačka d), alineja 6) kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke.

Za praćenje i realizaciju ugovora zadužuje se Služba za finansije, te će se nakon izvršene usluge, Kabinetu općinskog načelnika – Odsjeku za javne nabavke dostaviti račun/faktura u zakonskom roku radi prijave u sistem „e-Nabavke“.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar u skladu sa Odlukom o privremenom finansiranju za period januar-mart 2025. godine, na budžetskom kontu: 613991-18.

Shodno zakonu i općim aktima Općine, Opštinskom načelniku dostavlja se prijedlog odluke o izuzeću na konačno odobravanje i saglasnost. Cijeneći prethodno navedeno donesena je Odluka kao u dispozitivu.

OPŠTINSKI NAČELNIK

Srđan Mandić

Dostaviti:

1. Kabinetu općinskog načelnika – Odsjeku za javne nabavke,
2. Službi za finansije,
3. Evidenciji

